

# დ რ ო ე მ ა

## სურათებიანი დამატება

გაზეთის № 192. შაბათი, 29 აგვისტო 1909 წ. დამატების № 34.

### უესარი ტალა.

დრამა ოთხ მოქმედებად.

მოქმედება მეორე.

(შემდეგი\*)

ხუნაბით ამორბის ტიტო და ხელში ძაფზე ასხმული რამდენიმე კალმახი უჭირავს. უკან მოხდევს ალექსი ნემს-კავებით ხელში.

**ტიტო.** სიხარულით მიიღებს სვიმონთან) უყურე, მამა, რამდენი კალმახი დავიჭირეთ!

**სვიმონ.** ყოჩაღ, ყოჩაღ, ჩემო ცელქო ბიჭუნავ!

**ექვთ.** (თავზე ხელს უსვამს ტიტოს. მერე მიუბრუნდება ალექსის) აბა, ალექსი! ერთი ხელდახელ მოხარზე. მერე შენებურად შეაზავე, ნიგვზითა და სუნელებით რომ იცი ხოლმე.

**ალექ.** კეთილი. ხელათვე მზად იქნება. (ექვთაზე, სვიმონი და ღვთისა გადიან მარჯვნივ ბასით. ალექსი და ტიტო დასხდებიან და დაუწყებენ თევზებს წლას).

**ტიტო.** (აღებს ერთ კალმახს) აი, ეს იყო, მე რომ დავიჭირე, აი! როგორა ფანთხალეზა საწყალი!

**ალექ.** ბევრსა ფანთხალეზა და ყველაზე ადრე კი მაგან დალია სული (სიხუმე).

**ტიტო.** ალექსი! შენ ხომ ბერი ხარ და ამ თევზების სიკვდილი განა ცოდვათ არ ჩაგეთვლება?

**ალექ.** რა ვუყოთ, გენაცვა! ადამიანის სიცოცხლე ცოდვებით არის სავე. მხოლოდ მაშინ აღარ ჩაიდენს კაცი ცოდვებს, როცა სამუდამოდ გამოესალმება სიცოცხლეს.

**ტიტო.** (ბავშვურად მიაშობით და გაოცებით) მაშ ბერად რაღათა ხარ?

**ალექ.** იმიტომ, რომ ყოველთვის ვინაიო ის ცოდვები, რომელთაც განუწყვეტლივ ჩავდივარ ჩემის სიცოცხლით.

**ტიტო.** და გეპატიება ხოლმე?

**ალექ.** რა ვიცი!

**ტიტო.** მაშა?

**ალექ.** არ ვიცი, ჩემო პატარა! მე მხოლოდ ვლოცულობ ხოლმე, რომ გეპატიოს. (ტიტო გაშტერებული უყურებს. აკრეფავს თევზებს) წავიდე ეხლა მოვხარშო ხელ და ხელ. (შიდის).

**ტიტო.** მეც ვისწავლი, როგორა ხარშავ! (მისდევს. ცოტახანს სიჩუმეა. მერე ბილიკის მხრიდან მოისმის ხმა-მადლა ღანჯაკი).

**ლელა.** სად მირბიხარ, შალიკო?

**შალვა.** წავალ ერთი ხელად ზღვის ტალღებში გავიკუყუშალავებ, ძალიან დამცხა.

**ლელა.** ჩქარა მოდი, არ დაგიგვიანდეს!

**შალვა.** არ დამიგვიანდება! ჯერ ხომალდი არც კი მოსჩანს.

**ბილიკზე მოდის ლელა.** უკან მოხდევს არჩილი.

**ლელა.** (იხედება აქეთ-იქით) სად წასულან ნეტავი, აქ აღარ არიან!

**არჩილ.** აღბად გაივლიდნენ საითმე. დავუცადოთ. აი, დავსხდეთ და ვუყუროთ აქედან შალვას ზღვასთან თამაშს. (დასხდებიან და გაიუფრებიან ზღვისკენ. სიხუმე).

**ლელა.** ბატონო არჩილ! თქვენ რომ გუშინ ლექსს დამპირდით, როდის დამიწერთ?

**არჩილ.** მე უკვე მზადა მაქვს.

**ლელა.** მართლა?

**არჩილ.** აი! (აღებს უბიდან პატარა ქადაღს და ხელში უჭირავს, თვითონ ზეპირად კითხულობს)

ზღვის მღელვარებას, ტყის შრიალსა, ვარსკვლავთა ციმციმს, მთვარის მშვენებას,—



ილია ალექსანდრე ძე ავალიანი.

ხვალ, 30 აგვისტოს, სრულდება ორი წელიწადი, რაც პოეტი წუთი-სოფელს გამოესალმა.

\* იხ. სურათებიანი დამატება № 33.

ყველა სიტუაციას აქ მოგიწოდებთ, გამოჰყვეთ სწრაფად ეთერის რხევას! ნაზი ხმა სტუმრად აქ მოფრენილი ტკბილსა ჰანგებად აგასხამთ ყველას და მით მომაკვდავს, შვების მონატურს, გულს გაუხარებს, დაუტკობს სმენას.

(ქადაღდს გაუწვდის ლელას)

**ლელა.** (ართმუვს) როცა ყველაზე საუკეთესო და ოცნების გუნებაზე ვიქნები, მაშინ ვიმღერებ ხოლმე ამ ლექსს



დაღმსტინისა და ჩაჩის იმამი შამილი.

და თქვენც მოგიგონებთ. (უუერებს მარცხვად, მაგრამ გამომცდის თვალთ).

**არჩილ.** მეც როცა გავერთობი სანატრელ წარმოდგენებსა და ოცნებებში, მაშინ ყოველთვის მოვიგონებ ხოლმე, რომ იქ... სადაც, ტურფა ლამაზი ხმა წარმტაცათ ათამაშებს ჰაერში ჩემი გულის სიღრმიდან ამონათქვამ სიტყვებს და მეც უფრო მეტ გატაცებასა და ოცნებას მივეცემი მაშინ (ლელა მარცხვათა და კმაუფილებით თავს ჩაღუნავს. სიჩუყ. არჩილ თითქოს თავისთვის და ლელას გასაგონათაც) ლელა ფიქრებმა გაიტაცეს. ნეტავი სად მიატრენენ ეხლა მას?

**ლელა.** (გაიღიმება). სად მიმატრენენ? — შორს.

**არჩილ.** მე ვხედავ.

**ლელა.** ხედავთ, რომ მე ვერ წარმომიდგენია, როგორ არა გბეზრდებათ ესე ობლათ, ქვეყნიერებისაგან მოწყვეტით ცხოვრება?

**არჩილ.** არა მბეზრდება, რადგან მე შევქმენი ჩემთვის ისეთი ქვეყანა (ჭაქრში ხელის მოვლევით ანაშნებს ოცნებას), სადაც ვარდები იშლებიან და აღარ სჭკნებიან; სადაც სილამაზე თავის ხავერდოვან, კოპწია ფრთებით მარხევს ერთი ვარდიდან მეორეზე და მათის ყნოსვით ვტკბები, ვთვრები და მეძინება; სადაც ყვავ-ყორანნი აღარა სჩხავიან, მხოლოდ ბუღბუღნი და სირინოზნი ჰგალობენ და მათი მღერა ტკბილ ნანასავით მეწვეთება ნეტარებით გაჟღენთილ გულში.

**ლელა.** და მარტო მაგ წარმოდგენითა სცხოვრობთ?

**არჩილ.** არა. მე კიდევ შევქმენი ჩემთვის ის ყოველი მხრით

უნაკლო არსება, რომლის სიკეკლუცეს, სიღიადეს თავდავიწყებით ვეტრფი, ვენეტარები და იმის სიხარულსა და სიყვარულში ვგრძნობ რაღაც საოცნებო, მიუწდომელ სიამოვნებას.

**ლელა.** რასაკვირველია, ნამდვილ ცხოვრებას მოწყვეტილი, თქვენისთანა ფანტაზიის მექონი ადამიანი ძალა-უნებურად მიეცემა ეგრეთ უსაზღვრო წარმოდგენებსა და ოცნებებს.

**არჩილ.** რა ვუყოთ! მაინც ესეთი ტკბილი ოცნება სჯობიან ისეთ საზიზღარ, თავმოსაბეზრებელ სინამდვილეს, რომელსაც ვხედავ მე ცხოვრებაში.

**ლელა.** (გოტას შეფიქრანდება და მერე მოუთმუნდათ წამოიძახებს, თითქოს შინაგანმა ძალამ ერთხაშთ გაარდგა თავისი კაღაპოტი და გამხუთქა გაკეთა). რაც გინდათ სთქვით, რახედაც გინდათ იოცნებეთ, მაგრამ მე მაინც გული მტკივა, მენანება, რომ ეს ნაზი ყვავილი ნელ-ნელ უნდა სჭკნებოდეს შორს... შორს, მოშორებით სიყვარულს, თანაგრძნობას, პატივისცემას..

**არჩილ.** ოო, ჩემო კეთილო! მე ვატყობ, რომ თქვენი... თანაგრძნობა, თქვენი პატივისცემა ყოველთვის მოახწევს ჩემამდის, რაც გინდა შორს ვიყვე.

**ლელა.** (თითქოს დაიბნა, არ იცის, როგორ შესვდეს ამ სიტყვებს). მარტო ჩემი თანაგრძნობა ისეთ სანუგეშო არაფერს არ წარმოადგენს.

**არჩ.** მამი-თქვენისაც... ღვთისოსიც... შალვისიც..

**ლელა.** ან ეგ კი კმარა?

**არჩილ.** სადაც არ იყვეს — ცოტა კმარიყვესო

**ლელა.** (ჩაფიქრდება). არა. მე მაინც ვერ გამიგია, ნუ თუ თქვენში მართლა არა სცოცხლობს ან ინტერესი მრავალფეროვან ცხოვრებისადმი, ან სიყვარული ხალხისა, ან ცალკე ადამიანისა?

**არჩილ.** ინტერესსაცა და სიყვარულსაც ისეთი მაგნიტიური ძალა აქვთ, რომ თუ ერთი მოიჯადოვებს ადამიანი,



არჩის ჯარის მთავარ-სარდალი თავ. გარიატინსკი, გუნების ამღები.

მას თავისდაუნებურათ გააქანებენ თავიანთკენ და ზოგჯერ ისე სწრაფათაც მიაქანებენ, რომ იქნებ უკან მოხედვა ვერც კი მოასწროს.

**ლელა.** (თითქოს რაღაც უსაზღვრო ფიქრებმა გაიტაცეს, და-



დგრემით გასტყეკის შიდას). თქვენ მართალს ამბობთ, ბატონო არჩილ! მართალს ამბობთ...

**გამოდანი ექვთიმე, სვიმონი და ღვთისო.** ექვთიმეს ხელში დიდი კალათით ვაშლი უჭირავს.

**ღვთისო.** აგერ არჩილიცა და ლელაც აქ არიან.

**ექვთ.** სად გაგვექვით, ჰა? რატომ ბაღში არ გამოასეირნე,



**მოხუცი ლეკი დროებით.**  
სურათი ტ. გორშელტისა.

არჩილ, ლელაცა და შალვაც? (დასდგამს კალათას).

**ლელა.** მე უკვე ვიყავი გუშინ.

**ექვთ.** დღესაც გაიარეთ რა. განა ერთის ყოფნით იგემეთ მთელი იქაურა სიამოვნება?

**სვიმ.** შალვა რაღა იქნა, ლელა?

**ლელა.** შალვა საბანაოთ გაიქცა, ჩქარა მოვა.

**გამოდანი ალექსი და ტიტო.**

**ალექ.** მამაო ექვთიმე, კალმახი უკვე მზად არის ისე საუცხოვოთ შევაზავე სურნელებითა და ლამაზათ დავაგვირგვინე ნიგვზით, რომ მაღიანი ჭამის მეტი აღარა აკლიარა.

**ექვთ.** გმადლობ, შეილო ალექსი, გმადლობ! ეს მაგიდა აგერ იმ ხის ქვეშ დადგი ერთი და ბარემ სუფრაც გაგვიშალე! (უჩვენებს მარჯვნივ, სცენის მოფარებით. ალექსისა და ღვთისას გააქვთ სტოლი)

**ალექ.** აბა, მაშ მობრძანდით! (შედის და გამაქვს ხონჩით კაღმახი)

**ექვთ.** ჩემო ალექსი, ეგ მოიტანე და ხელათ ეს ვაშლიც გადაარჩიე კალათაში. დაე, ჩვენ ძვირფას სტუმრებსაც ერგოთ ერთი ჩვენი ნაშრომის ნაყოფი.

**ალექ.** ძალიან კეთილი! (შაქვს კაღმახი)

**სვიმ.** (ღვთისას). ღვინო ხომ კიდევა გვაქვს? გამოიტა ბარემ! (ღვთისას მიადის)

**ექვთ.** მობრძანდით! შეილო არჩილ! ლელა! (ალექსი ისევ გამოდის და თან მოაქვს ცარიელი კალათი. სკამთან მიიტანს ვაშლებიან კალათასაც. დაჯდება და დაიწყებს გადარჩევას. სიჩუმე).

**გამოდის ტიტო.**

**ტიტო.** (სქელში ზური და თევზი უჭირავს და გემრეაჯათ სჭამს. მივა ალექსისთან და მოუფდება ვაშლებს გვერდით)

**ალექ.** ვიდრე ამ ვაშლებს შესჭამდე, ჩვენც გენახსოვრებით, როცა აწათ მოარჩები, ჩვენც დაგავიწყდებით, არა ტიტო?

**ტიტო.** არა.

**ალექ.** ვითომ?

**ტიტო.** მართლა. მე არას დროსაც არ დამავიწყდება აქ ყოფნა. იცი, ალექსი, მე ხუთი წელიწადი კიდევ მიკლია გიმნაზიის გათავებას, როცა გავათავებ—უნჩვევსიტეტში წავალ და ისიც უეჭველათ აღდესაში, მაშინ აქეთაც გამოვივლი გზათ.

**ალექ.** უუუ, ხუთ წლამდის დაგავიწყდებით კი არა, მეტიც მოგივა!

**ტიტო.** აი, ნახავ თუ არა! მაშინ ვინ იცის ველარც-კი მიცნო: დაწმარნილი უღვაშები... სტუდენტური ფორმა...

**ალექ.** იქნება აღარც კი გვიკადრო მაშინ.

**ტიტო.** (უვადრებით). განა მე უკადრისობას მამჩნევ რამეში?

**ალექ.** ეხლა კი არა, მაგრამ მერე რა ვიცი, კაცი ათასნაირათ გამოიცვლება ხოლმე.

**ტიტო.** თუ კი მამაჩემი არ გამოცვლილა, ბიძაჩემი, ჩემი დაი, ჩემი ძმაი, რაღა მე გამიწყრება ღმერთი და ეგრე უბედურათ გამოვიცვლები!

**ალექ.** მით უკეთესი, თუ არ გამოიცვლები. მე ხომ საწყენათ არ გითხარი, ჩემო ტიტო?

**ბილიკზე ამოიბენს შალვა.**

**შალვა.** (ტიტოს). ჩვენები რა იქნენ?

**ტიტო.** აგერ ჰურსა სჭამენ.

**ალექ.** (გაშლს შესთავაზებს შალვას). აჰა, ყმაწვილო, ინებეთ! ეს ჩვენი ბალის საუკეთესო ვაშლისაა.

**შალვა.** მადლობელი ვარ! (გამაჩრთმევს და მიდის მოსაღი-ღებებისაკენ).


**ალექ.** დედა არა გყავს, ტიტო?

**ტიტო.** არა. სამი წელიწადია, რაც სამუდამოთ გამოგვემ-შვიდობა და ობლათ დაგვტოვა.



**მეზობელი ლეკები.**

მთიდან ჩამოდანი.  
სურათი ტ. გორშელტისა.



შამილის სახლი გუნიბში.  
სურათი ზანკოვსკისა.

**ალექ.** საწყალი ტიტო!.. წინ იცის, როგორა სტიროდი!..  
**ტიტო.** (ტიტო დადნებით თავს ჩაქინდავს).

**გამოდის მარჯვნიდან გრიგოლი.**

**ტიტო.** (დაინახავს რა გრიგოლს, აიღებს ერთ კარგ ვაშლს და მიუბრუნებს). ინებეთ, მამაო!  
**გრიგ.** ირემმა რომ ირემს ბალახი აუშვირა, შენც ისე იქცევი, პა, ჩემო მალხაზო? ყოჩაღ, ყოჩაღ! (ჩამოჯდება სკამზე, ამოიღებს პატარა ჯიბის დანას და დაუწყებს ვაშლს თლას. მარჯვნიდან მოისმის ექვთიმეს ხმა).  
**ექვთ.** მამაო გრიგოლ! მობრძანდით და გვეწვიეთ!  
**გრიგ.** გმადლობთ!  
**სვიმ.** მობრძანდით, მობრძანდით! მარტო მადლობით ვერ გადაგვირჩები! (გრიგოლი მიდის).  
**ალექ.** (აღაგებს კალათაში უკანასკნელ ვაშლებს) აპა, ამასაც მოვრჩი! (შაქვს თასში).

**გამოდის ლელა.**

**ლელა.** (გვერდზე გაუფლის ტიტოსა და თავზე ხელს გადაუსვამს) რატომ შენ კი არ ისაძილობ?  
**ტიტო.** არ მინდა.



შამილი თავ. ბარიათინსკის წინ  
გუნიბის ალების შემდეგ, 1859 წ. 25 აგვისტოს.  
სურათი ტ. გორშელტისა.

**ლელა.** გზაზე მოგშივა.  
**ტიტო.** მე ჩემი წილი კიდევ შევქაბე.  
**ლელა.** (მიდის ნაზრადისაკენ. ჯერ ჩაფიქრებით გასტყერის შოკს და შერე ჯდება სკამზე).

**გამოდის ალექსი.**

**ტიტო.** ალექსი! წავიდეთ ერთხელ კიდევ გავიაროთ ბაღში!  
**ალექ.** წავიდეთ! (მიდის ბაღისაკენ. სიჩუმე).  
**ლელა.** (მიიხედ-მოიხედავს; რა აღარავის დაინახავს, ღოყაზე შემოიღებს ხელს, დაეუბნება ნაზრადზე და ისევ გაერთობა ცნებაში. შერე წყნარად დაიწყებს სიმღერას) „ზღვის მღელვარებას, ტყის შრიალსა...“

**გამოდის არჩილ.**

**არჩ.** (რა დაინახავს ცნებაში მოცურავე მომდევნო ლელას, ისიც ეფასებურ სიამოვნებას იგრძნობს ერთბაშად. თითქმის ინსტიქტიურად, წყნარად, ფუნქციონირებით მიუახლოვდება ლელას და გაჩერდება იმის შორი-ანდის. ლელა არჩილს ვერ ამჩნევს და ისევ განაგრძობს მღერას. როცა მორჩება, ის ისევ შეურხეველად ზის) როგორც ეტყობა, ლელა ეხლა საუკეთესო ოცნების გუნებაზეა!..  
**ლელა.** არჩილ, თქვენა!.. (შეშრთავს წამოხტება).  
**არჩ.** მაპატიეთ, ლელავ! ვინ იცის, თქვენ რა ტკბილ ოცნებაში იყავით გართული და მე კი ხელი შეგიშალეთ!  
**ლელა.** მაგაზე კარგ პასუხს ვაგვიმეძღოთ, მაგრამ...



ჩაჩაფიების გადასახლება, —სურათი პ. ნ. გრუზინსკისა.  
გუნიბის ალებისა და შამილის დამორჩილების შემდეგ დიდძალი ჩერქეზობა გადასახლდა ოსმალეთში.

**არჩ.** მაგრამ? გენანებათ?  
**ლელა.** არა. ცოტა უხერხული იქნება...  
**არჩ.** რას წამოხტით? დაბრძანდით ისევ!.. (ჩაჩაფიანი სხდებიან. ცოტა სიჩუმე).  
**ლელა.** განგებ ხომ არ იგვიანებს ჩვენი გემი, რომ აღარ გამოჩნდა.  
**არჩ.** რაო? განა ვერ გეჩქარებათ წასვლა?  
**ლელა.** არა!.. კი არ მეჩქარება, მაგრამ მაინც მოუთმენლათ ველი წასვლის წუთებს...  
**არჩ.** რათა?  
**ლელა.** ისე... (თან უნდა განაგრძოს ლაპარაკი, თანაც ვერ გაუბედნია) ბატონო არჩილ! თქვენ შეგიმჩნევიათ, რომ ზოგჯერ უმნიშვნელო გარეშე მიზეზის გამო აღამიანი ერთ საათში, ან რამდენსამე წუთში ჩაიდენს ისეთ რამეს, რასაც ჩვეულებრივ დროს ვერ მოახერხებდა რამდენსამე თვეს, ან წელიწადს?..  
**არჩ.** ადვილი შესაძლოა, რატომ?  
**ლელა.** ნუ თუ თქვენ არ გავაოცებდით ასეთი უცნაური გამბედაობა?

(შემდეგი იქნება).

**ლევ. მეტრეველი.**